

From: Unit Komunikasi Korporat
Sent: Thursday, October 4, 2018 8:41 AM
To: UUM - All Staff; UUM - All Students
Subject: Kerjasama UUM-Monash University Kukuhkan Persefahaman Dalam Menginsankan Pendidikan



Unit Komunikasi Korporat
CORPORATE COMMUNICATION UNIT
Universiti Utara Malaysia

4 OKTOBER 2018 / 24 MUHARAM 1440H
=====

"UUM : UNIVERSITI PENGURUSAN TERKEMUKA"
(THE EMINENT MANAGEMENT UNIVERSITY)

Oleh: Nordiana Shafiee
Gambar oleh: Abdul Halim Husain

KERJASAMA UUM-MONASH UNIVERSITY KUKUHKAN PERSEFAHAMAN DALAM MENGINSANKAN PENDIDIKAN



UUM ONLINE: Kerjasama yang terjalin antara Universiti Utara Malaysia (UUM) dengan Monash University Malaysia diyakini akan mengukuhkan persefahaman kedua pihak dari aspek kepentingan dan keperluan dalam menginsankan pendidikan.

Kolaborasi itu diteruskan dengan pemeteraian Memorandum Persefahaman (MoU) yang mana UUM diwakili Naib Canselor, Prof Dr Ahmad Bashawir Abdul Ghani dan Monash University Malaysia diwakili Presiden dan Ketua Eksekutif, Prof Andrew Walker di Balai Tamu, semalam.

Naib Canselor berkata, tujuan utama MoU ini adalah untuk mewujudkan perkongsian dinamik yang akan mempromosikan, mengembangkan dan memperkuat kerjasama akademik antara UUM dan Monash University.

Menurutnya, aspirasi itu akan membuka jalan dan manfaat kepada kedua-dua universiti dalam mengatasi isu-isu seperti permintaan ahli akademik dan penyelidik yang berpengalaman, khususnya dalam bidang pengurusan, perakaunan dan sistem maklumat.

"Akhir-akhir ini, sistem pendidikan kita tidak memenuhi keperluan masyarakat dan universiti lebih cenderung dinilai berdasarkan hasil akademik, sekali gus mewujudkan konflik antara kepentingan akademik dan juga masyarakat.


"Sehubungan itu, saya ingin menginsankan semula sistem pendidikan dan proses pembelajaran di universiti ini sebelum memikirkan untuk menggunakan pendidikan sebagai alat untuk humanisasi," katanya.

Naib Canselor berkata, menerusi MoU tersebut, UUM dan Monash University akan menjalankan kerjasama dalam program mobiliti pelajar, pertukaran staf, kerjasama penyelidikan bersama dan penerbitan bersama.

Menurutnya lagi, dalam memastikan MoU itu memberi manfaat kepada kedua-dua pihak, UUM menerusi Pusat Pengajian Perakaunan Tunku Puteri Intan Safinaz (TISSA) dan Monash University telah mengadakan siri perbincangan awal tentang kerjasama dalam bidang penyelidikan yang menfokuskan kepada pembangunan ekonomi negeri Kedah.

Sementara itu, Prof Andrew Walker berkata, kerjasama yang dimeterai dengan UUM adalah satu pengalaman berharga dalam usaha mengukuhkan lagi kemahiran penyelidikan dan kemahiran pendidikan yang dibangunkan bersama antara kedua universiti.

Katanya, beliau menantikan kerjasama yang lebih besar dan proaktif antara UUM dan Monash University sama ada dalam bidang akademik atau profesional.



Universiti Utara Malaysia Official Website <http://www.uum.edu.my>

Disclaimer: This e-mail (including any attachments) may contain confidential information. If you are not the intended recipient, you are hereby notified that any review, distribution, printing, copying or use of this e-mail is strictly prohibited. If you have received this e-mail in error, please notify the sender or Universiti Utara Malaysia (UUM) immediately and delete the original message. Opinions, conclusions and other information in this e-mail that do not relate to the official business of UUM and/or its group of companies shall be understood as neither given nor endorsed by UUM and UUM accepts no responsibility for the same. All liability arising from or in connection with computer viruses and/or corrupted e-mails is excluded to the fullest extent permitted by law.